

remittatur; quin potius remorando et inter nostros spaciando discat que non novit et agnoscat<sup>a</sup> dominacionem Romanorum equanimiter pati.<sup>1</sup> Abbas dixit: Domne, si tali intencione me differtis, in hoc gaudeo, sed et gaudebo; sed vereor, ne sacculus inanis victum neget diu moranti. Papa ait: Serva tibi reversuro victum, nam quamdiu hic remanes, potes convivari nobiscum. Abbas inflexo vultu ait: Grates ago tante promissioni.

Cardinales igitur Aymericus cancellarius, Gerardus sancte Crucis<sup>2</sup>, Yvo sancti Laurentii<sup>3</sup>, Guido Pisanus<sup>4</sup>, Gregorius Centu<sup>5</sup> et alii pociores sepe confabulabantur abbati. A quibus potissimum flagitabat, ut domno pape suggererent et suggerendo insisterent, quatenus misertus abbatis locum et diem statueret. Qui et publice dicebant<sup>b</sup>: Vere, domne, si placeat vobis, valde dignum ducimus audire et modificare causam eius. Tandem nona die adventus sui posuit ei domnus papa diem et locum, scilicet in cubiculo suo, et convocatis cardinalibus introductus est abbas in idem cubiculum iussusque est sedere in scabello pedum pontificis, ubi sedebat et cancellarius. Tunc domnus papa ait abbati: Vere, frater, compatimur et condolemus tibi, quoniam multum laborasti<sup>c</sup> contra vires etatis tue nimiumque fatigatus es. Et ecce gracia tui convocavimus fratres nostros, quibus coram referas rationes adventus tui, et nos libenter audientes decernemus consilio, quid facto opus sit. Abbas adorans papam ait: Domne pater, Domino omnipotenti gracias ago, qui misit in cor vestrum hanc dulcedinem<sup>6</sup>, ut tam benignam mihi impendere dignemini pietatem. Sed ut

---

<sup>a</sup>) *agnovit.*    <sup>b</sup>) *dicebat.*    <sup>c</sup>) *laborastis.*

---

<sup>1</sup>) Papst Innocenz II. war selbst Römer; über seine Persönlichkeit vgl. HAUCK a. a. O. S. 140.    <sup>2</sup>) Bolognese, von Papst Calixtus II. zum Kardinalpriester s. Crucis in Jerusalem (11. September 1123—15. Dezember 1141) kreiert, im Dezember 1141 Kanzler (Bibliothekar; 30. Dezember 1141—8. März 1144), am 12. März 1144 konsekriert als Papst Lucius II., starb 15. Februar 1145; BRIXIUS a. a. O. S. 33 n. 11, vgl. BRESSLAU a. a. O.    <sup>3</sup>) Magister, am 27. Mai 1138 Kardinalpriester s. Laurentii iu Damaso (26. Juli 1138—15. Januar 1142), BRIXIUS a. a. O. S. 44 n. 30.    <sup>4</sup>) Kardinaldiakon der Römischen Kirche, 29. April 1140—25. April 1142 (und 17. Februar 1144—10. Oktober 1145?), BRIXIUS a. a. O. S. 43 n. 24.    <sup>5</sup>) = Cencius?, Kardinalpriester s. Mariae Transtyberim tit. Callisti (29. April 1140—19. April 1155), BRIXIUS a. a. O. S. 42 n. 14, oder der Kardinaldiakon s. Angeli, 28. März 1138—27. Oktober 1140, a. a. O. n. 16.    <sup>6</sup>) Vgl. Exod. 15, 25.